

## Coronavirus hadi'a abilidade atu rezolve moras infesiozu sira iha Timor-Leste

**25 Janeiro 2023**

Expansão rápida hosi Timor-Leste nia abilidade laboratóriu nian durante pandemia COVID-19 ne'e prepara di'ak liu tán nasaun ne'e atu responde ba moras infesiozu iha futuro.

Kolaborasaun ida entre Ministériu Saúde Timor-Leste no Menzies School of Health Research (apoiu hosi Governu Australia) ne'ebé significa katak nasaun ne'e agora iha ona rekursu laboratóriu barak no forsa traballu ne'ebé treinadu. Melloramentu hirak ne'e bele ajuda Timor-Leste atu responde ba moras infesiozu prevalente sira seluk hanesan malária, tuberkuloze no HIV.

Artigu foun ida ne'ebé publika iha *The Lancet Regional Health - South East Asia*, hatudu oinsá parseiru internasionál sira apoiu Timor-Leste atu hasa'e ninia abilidade teste diagnóstiku nian durante pandemia. Ida ne'e haree katak teste COVID-19 hamutuk 200,000 liu mak kompleta ona no 22,500 liu mak hetan kazu pozitivu deteta ho loloos iha fulan Fevereiro 2022.

Mikrobiologista no autór prinsipál Menzies Timor-Leste nian, Nevio Sarmento, hateten katak haluan kapasidade hosi Laboratóriu Nasional Saúde - Laboratóriu Diagnóstiku Molekular (NHL-MDL) hodi halo teste ba COVID-19 nu'udar componente importante ida ba resposta pandemia Timor-Leste nian.

"Menzies servisu hamutuk ho NHL-MDL hodi fornese ekipamentu no rekursu ba teste diagnóstiku, habelar kapasidade laboratóriu nian no mós kapasitasaun ba sientista sira ho rápido hodi hala'o teste," dehan Sarmento.

"Pasu hirak ne'e importante tebes atu hadi'a teste iha Dili no atu implementa sentru teste satellite iha Timor-Leste laran tomak.

"Iha piku pandemia nian, Menzies apoiu ona NHL-MDL hodi halo teste hamutuk 2,000 kada loron. Teste eskala boot ne'e fornese dados populasaun krusial ne'ebe ajuda medidas saúde pública nian." Nia hateten.

"Ne'e husik hela legadu duradu ba nasaun, ne'ebé agora iha kapasidade atu uza vijilánsia laboratóriu hodi rezolve moras infesiozu sira seluk."

Co-Líder ba Projetu Menzies Timor-Leste nian, Profesor Asosiadu Joshua Francis, hateten katak maske pandemia ne'e iha inísiu sai hanesan ameasa boot ba progresu Timor-Leste nian, apoiu lokál no internasionál sira asegura katak ida ne'e mós hanesan oportunidade ida atu hadi'a teste no kuidadu saúde nian.

"Pandemia ne'e fó oportunidade mai ami atu aprende hamutuk kona-ba oinsá atu hatán ba moras infesiozu sira nia surtu iha Timor-Leste, iha ne'ebé uza vijilánsia laboratóriu hodi informa kona-ba kuidadu klínika no mós política saúde pública nian," hateten Profesor Francis.

"Husi programa investimentu pre-pandémiku ne'ebé la'o hela mak hametin sistema laboratóriu sira, ne'e fornese fundasaun ida ne'ebé metin hodi habelar lalais kapasidade teste ba COVID-19 nian."

Menzies kontinua servisu hamutuk ho Governu Timor-Leste no Ministériu Saúde hodi hametin sistema saúde sira hodi responde ba moras infesiozu sira iha Timor-Leste, iha parseria ho Governu Australia, Fleming Fund ne'ebé fasilita husi Mott MacDonald Group no Organizaasaun Mundial Saúde.

Lee dokumentu ne'e kompletu iha: <https://doi.org/10.1016/j.lansea.2023.100150>

REMATA

**Media contact:**

Phone: (08) 8946 8658 | Email: [media@menzies.edu.au](mailto:media@menzies.edu.au)

**Menzies School of Health Research**

Menzies is one of Australia's leading medical research institutes dedicated to improving the health and wellbeing of Aboriginal and Torres Strait Islanders, and a leader in global and tropical research into life-threatening illnesses, Menzies continues to translate research into effective partnerships and programs in communities across Australia and the Asia-Pacific region.